



Íslenska landsliðið á síðasta heimsmeistaramóti árið 2011 í Austurríki.

Býr sig undir heimsmeistaramót

Hafliði Halldórsson landsliðsvaldur mun standa í ströngu á næstunni en fyrir dyrum stendur heimsmeistaramót íslenska hestsins í Berlín 4. til 11. ágúst. Hafliði sér um að velja í landsliðið en 21 knapi heldur utan og keppir fyrir Íslands hönd.

Hafliði Halldórsson hefur farið á öll heimsmeistaramót íslenska hestsins frá því hann keppti á mótinu í fyrsta sinn árið 1987. Hann hefur komið að mótinu sem keppandi, var í fjöldamörg ár aðstoðarmaður Sigurðar Sæmundssonar landsliðsvalds og síðustu tvö skiptin hefur hann deilt þeirri stöðu með Einar Öder Magnússyni. Í ár ber hann titilinn einsamall og því fylgir nokkuð álag, enda mikið starf að velja saman besta liðið.

„Starf landsliðsvaldsins er margsnúið. Í vetur hefur það snúist um að búa til æfingaplan sem nýtist knöpum á úrtökumótum sem hefjast á þriðjudag (í dag) í Reykjavík. Ég hef staðið fyrir fræðsluerindum og sett upp æfingaprógrömm. Meðal annars var fenginn virtur reiðkennari frá Portúgal, Julio Borba, auk Rúnu Einarsdóttur og Olil Amble til að halda námskeið fyrir ungmenni og fullorðna knapa,“ segir Hafliði en tekur fram að hann velji ekki sjálfur allt landsliðið heldur sé stór hluti knapa sem komist inn á mótið með því að vera efstir á úrtökumótum. „Síðan er það mitt að fullvelja í landsliðið og eru það fjórir eða sex knapar. Ég var til dæmis að koma að utan núna þar sem ég hef verið að fylgjast með Íslendingum sem búa þar,“ segir Hafliði en fullskipað landslið verður kynnt til leiks þann 9. júlí. Í því verður 21 knapi. „Þetta eru sjö fullorðnir og fimm ungmenni, auk þess sem þrír heimsmeistarar hafa rétt á að verja sinn titil. Það eru Bergþór Eggertsson, Jóhann Skúlason og Eyjólfur Þorsteinsson en ég þarf aftur á móti að samþykka þeirra hestkost,“ upplýsir Hafliði. Við þetta bætast svo sex kynbótahross. „Eigendum efstu hesta í hverjum aldursflokki hryssa og stóðhesta er boðin þátttaka. Ef eigendur hafna boðinu er þeim næstu í röðinni boðið að koma,“ segir Hafliði og hefur ekki áhyggjur af gæðum hrossanna. „Það er að koma berlega í ljós núna þegar kynbótasýningar eru rúmlega hálfnaðar að við erum með gríðarlega sterkan flota sem kemur til með að fara.“



„**Persónulega held ég að þetta verði eitt stærsta mót sem haldið hefur verið fyrir íslenska hestinn**“

Hafliði segir keppnisferðina enga skemmtiferð þó að vitanlega sé góð stemning meðal keppenda. „Við leggjum upp úr aga og viljum að knapar séu vel undirbúnir og vel hvíldir,“ segir Hafliði sem fær til liðs við sig frægar handboltakempur, þá Guðmund Guðmundsson, fyrrverandi landsliðsþjálfari, og Alfreð Gíslason, til að halda fyrirlestra fyrir liðið. „Við verðum mættir mjög tímanlega á mótssvæðið. Knapar koma viku fyrir mót en hestarnir fara með flugi til Belgíu níu dögum fyrir mótið,“ segir Hafliði. Hann telur mikilvægt að hestarnir nái að jafna sig en þó sé ekki gott að þeir mæti of snemma því þá sé hætt á að þeir fái sótt, eins og algengt er þegar hestar koma úr einangruninni á Íslandi.

Hafliða list afar vel á að mótið sé haldið í stórborginni Berlín í ár. „Persónulega held ég að þetta verði eitt stærsta mót sem haldið hefur verið fyrir íslenska hestinn,“ segir hann en gert er ráð fyrir 25-30 þúsund gestum á mótið og telur Hafliði að Íslendingar verði þrjú til fjögur þúsund talsins. „Ég hef ekki komið á svæðið sjálfur en af tölvumyndum að dæma er líkt og maður sé kominn til Rómar. Ef maður trúir og treystir á hvernig Þjóðverjar vinna þá verður þetta vel skipulagt og flott mót.“



Hafliði Halldórsson og Einar Öder Magnússon, landsliðsvaldar á HM 2011, kampakátir með íslenska fánann og verölaunagrip að loknu vel heppnuðu heimsmeistaramóti í Austurríki.



Jóhann Skúlason á Hnokka frá Fellskoti varð heimsmeistari í tölti á heimsmeistaramóti íslenska hestsins í Austurríki árið 2011. Hann er því sjálfkjörinn á mótið í ár til að verja titil sinn.



Hjá mörgum kviknar áhuginn á hestamennsku á námskeiðunum hjá Íshestum.



Íshestar bjóða upp á yfir tuttugu mismunandi lengri hestaferðir um allt land.



Hugur og hönd þurfa að vinna saman á reiðnámskeiðum Íshesta.



Steinunn Guðbjörnsdóttir segir hestamennskuna frábært sport fyrir alla fjölskylduna.

MYND/ISHESTAR

Innsýn í heim hestamennskunnar

Íshestar hafa ávallt verið í fararbroddi í hestatengdri ferðabjónustu. Hjá Íshestum eru haldin reiðnámskeið fyrir börn og unglunga yfir sumartímamann og á veturna er verkefninu Hestur í fóstri haldið úti þar sem krakkar fá innsýn í heim hestamennskunnar.

Við höfum rekið reiðskólann í mörg ár í samvinnu við hestamannafélagið Sörla,“ segir Steinunn Guðbjörnsdóttir, markaðsstjóri Íshesta en fyrirtækið var stofnað árið 1982. Hún segir mikinn metnað lagðan í reiðnámskeiðin og eru allir kennarar Íshesta fullorðnir og menntaðir reiðkennarar. Kennt er í tveimur aldursflokkum, 6-8 ára og 9-16 ára.

„Yngri hópurinn er á vikunámskeiðum en þau eldri á tveggja vikna námskeiðum. Krakkarnir læra um reiðmennsku almennt og um hestana sjálfa. Farið er í útreiðartúr nánast á hverjum degi og eins læra þau

ýmsar þrautir þar sem reynir á hug og hönd, svo sem að koma kútskafti ofan í rör og fá hestinn upp á pall og ýmislegt fleira. Þá fara krakkarnir einnig í bóklega tíma þar sem farið er yfir þá hluti sem hestamennsku fylgja, um líkama hestsins og fleira.

Hvert námskeið endar með grillveislu fyrir krakkana þar sem farið er í ratleik um svæðið og sýning haldin fyrir foreldra. Á sýningunni fara krakkarnir gegnum þrautabraut sem er þrískipt og fer fram inni í reiðhöllinni, í gerði og úti á velli. Þetta er svo sannarlega ekki bara skrautsýning þar sem riðið er í hringi heldur sýna börnin allt

sem þau hafa lært á námskeiðunum,“ segir Steinunn og bætir við að námskeiðin hafi kveikt áhuga fjölmargra á hestamennsku.

„Yfir vetrartímamann erum við með námskeiðið Hestur í fóstri og mörg börn af sumarnámskeiðunum taka þátt í því. Þá koma krakkarnir einu sinni í viku og hugsa um hestinn frá á til ö, moka undan honum, kemma, ríða út og gefa. Þannig fá þau innsýn í heim hestamennskunnar og margir hrifa foreldrana með sér svo fjölskyldan hefur oft öll endað í hestamennskunni. Það er mjög skemmtilegt því hestamennska er frábær fjölskylduþrótt. Í henni geta kyn-

slóðir sameinast og sex ára krakkar riðið út með langafa og -ömmu.“

Íshestar standa einnig fyrir hestaferðum um allt land.

„Við bjóðum upp á 23 mismunandi lengri ferðir og má þar nefna ferðir frá Egilsstöðum og um Fjallabak. Það væri gaman að fá fleiri Íslendinga í lengri ferðirnar hjá okkur. Dagana 28.-30. júní verðum við með sérferð fyrir íslenskar konur, Drottning og stund. Það eru enn þá örfá sæti laus í þá ferð.“

Nánari upplýsingar er að finna á www.ishestar.is.

Allt í sleppitúrinn

Verslanir Líflands bjóða upp á gott úrval af vörum fyrir sleppitúra sem eru að hefjast þessa dagana hjá hestamönnum. Hjálmurinn skiptir alltaf miklu máli.

Nú þegar hestamenn landsins eru að fara í árlega sleppitúra sína er vel við hæfi að huga að nauðsynlegum búnaði til ferðarinnar. Sleppitúrar hafa breyst mikið undanfarin ár enda búnaður orðinn betri og aðstaða orðin mjög góð víða fyrir hestamenn á ferð um landið.

Halldór Viktorsson, verslunarstjóri hjá Líflandi á Lynghálsi, segir ýmsar vörur vera nauðsynlegar í sleppitúra. „Fyrst og fremst ber að nefna hjálminn. Allir eiga að nota hjálminn og þótt notkun hans hafi aukist mjög mikið undanfarin ár er ávallt rétt að minna á hann. Hestaeigendur þurfa einnig að endurnýja hjálma sína reglulega en þeir endast að öllu jöfnu í nokkur ár.“ Af öðrum nauðsynlegum búnaði nefnir Halldór reiðtygi og góða tauma sem þurfa að vera í lagi. „Einnig má nefna svokallaða teymingargjörð sem nauðsynlegt er að hafa í bakhöndinni ef hestamaður skyldi þurfa að teyma hestinn. Svo má ekki gleyma hinni víðfrægu hnakkstösku sem sett er fyrir framan hnakkinn og er algjörlega nauðsynleg til að geyma til dæmis regnfatnað, aukavettlinga, aukataum og aðra hluti sem gott er að hafa til taks.“ Halldór nefnir einnig mjög praktíska töng sem hann kallar „járnringartöng í einni“. Um er að ræða einfalda og handhæga



„Allir eiga að nota hjálminn,“ segir Halldór Viktorsson, verslunarstjóri hjá Líflandi á Lynghálsi.

MYND/GVA

töng sem hægt er að stinga í vasann og hægt er að nota til að klára járnringar ef skeifan dettur af hestinum í ferðinni. „Þannig þarf ekkert járnringarsett heldur dugir þessi eina töng til að bjarga þér.“

Verslanir Líflands bjóða einnig upp á mikið úrval af góðum og vönduðum regn- og hlífðarfatnaði sem gott er að hafa til taks í

löngum sleppitúrum. Auk þess má finna þar allt það fúður sem taka þarf með í sleppitúrana. „Við bjóðum einnig upp á allt efni í rafmagnsgirðingar. Þannig bjóðum við upp á rafstöðvar og girðingar efni ef hestamenn þurfa að henda upp girðingu með rafmagni.“

Nánari upplýsingar má finna á www.lifland.is.



Íslensk náttúra töfrandi

Hestamenn landsins eru í sleppitúrum þessa dagana víða um land. Einn þeirra er tónlistarmaðurinn Magnús Kjartansson, sem hefur farið í tvo slíka túra og meðal annars riðið upp úr Ölfusinu og bak við Ingólfsfjall og yfir Álftavatn. „Það er ekkert sem jafnast á við að ríða um landið og njóta þess á hestbaki. Og því meira sem ég geri af því, því minna skil ég hvers vegna Íslendingar yfirgefa landið yfir sumartímamann. Það er svolítið merkilegt að ríða yfir Álftavatn, að vera á hestbaki úti í vatni og hugsa til þess að maður sé á gamalli þjóðleið. En þetta var eina leiðin yfir áður en brúin kom yfir Sogið við Þrastarlund.“

Að sögn Magnúsar eru hestarnir hans komnir í sveitina en þeim var ekið þangað í ár. „Ég fer því ekki í hefðbundinn sleppitúr með eigin hesta heldur ríð með öðrum. Svona túrar hafa auðvitað breyst frá því í gamla daga. Áður ríðu menn kannski úr hesthúsum á höfuðborgarsvæðinu alla leið austur í sveitir og voru 7-10 daga á leiðinni.“

Sjálfur á hann átta hesta og segir hann reiðferðir í íslenskri náttúru engu líkar. „Ég ferðast mikið um landið með erlendum ferðamönnum og sú reynsla hefur opnað augu mín. Það er upplifun að njóta landsins og náttúrunnar gegnum augu og eyru erlendra ferðamanna. Það sem er hversdagslegt fyrir okkur Íslendinga er oft mikil upplifun fyrir útlendinga.“



JONSSON & LEIMACKS • JULIUS • SÍA

GLEÐI OG BLÖKK

Fyrsta hrossið sem Kristín ræktaði var Gleði, stórgerð alhliða hryssa en nýjasta viðbótin við ræktunina er merarfolaldið Blökk. Hryssan kastaði henni langt fyrir tímann og fyrst um sinn virtist Blökk ekki líkleg til stórræða. Kristín tók sér frí og annaðist hana fyrstu vikurnar. Blökk er í dag tilþrífamikið og hágengt trippi sem lofar góðu. Kristín mun temja hana sjálf.

Kristín hóf störf úti í kerskála sem sumarstarfsmaður en færði sig um hávetur yfir í eldhúsið þar sem hún reiðir fram heimilislegan og fjölbreyttan en umfram allt bragðgóðan mat. Kristín vinnur dagvinnu og notar tímann eftir vinnu og helgar í að ríða út, moka og íhuga næstu skref í ræktuninni.

Góða skemmtun Kristín og gangi ykkur vel!



VISSIR ÞÚ ...

- ... að í heiminum öllum lifa um 75 milljónir hesta?
- ... að arabískir gæðingar hafa einu rifbeini og einum hryggjarlið færri en aðrir hestar?
- ... að það tekur heilt ár fyrir hófa að vaxa niður?
- ... að í Arizona er kúrekum bannað að ganga með spora um hótellandyri?
- ... að hestar sofa lengur á sumrin en veturna?
- ... að hestar eru jurtaetur?
- ... að hestakyn byrjaði að þróast í Ameríku fyrir 60 milljón árum en varð þar síðan útdautt og kynnt aftur til sögunnar af spænskum landsnámsmönnum?
- ... að hestar leggjast fyrir í aðeins 43,5 mínútur á dag?
- ... að engir tveir hestar eru nákvæmlega eins?
- ... að folöld fæðast með mjólkurtennur og fá fullorðinstennur eftir þriggja vetra aldurinn?
- ... að hestum mislíkar verulega fnykur af svínunum?



LÉTTIR 85 ÁRA

Hestamannafélagið Léttir á Akureyri fagnar 85 ára afmæli á þessu ári en félagið var stofnað árið 1928. Stofnfélagar voru fimmtán. Afmælimót verður haldið á fimmtudaginn kl. 18 þar sem keppt verður í tölti, 25. júní verður síðan keppt í skeiði. Skoða má frekari viðburði á heimasíðu félagsins lettir.is.

Samkvæmt heimasíðunni var tilgangur félagsins að stuðla að réttir og góðri meðferð á hestum, efla áhuga og þekkingu á ágæti þeirra og íþróttum, greiða fyrir því að félagsmenn gætu átt hesta og bæta reiðvegi frá Akureyri. Þessum markmiðum hugðust stofnfélagar ná með því að koma skipan á hagagöngu og hirðingu hesta í eigu félagsmanna, eignast skeiðvöll, efna til kappreiða og vinna að gerð reiðvega í nágrenni Akureyrar.

Léttir er þriðja elsta hestmannafélag landsins, Hestamannafélagið Fákur í Reykjavík er elst, stofnað 1922, en næstelst er Hestamannafélagið Glaður í Dalasýslu, stofnað 1928.

ÍSLENSKIR HESTAR TIL FILIPPSEYJA OG NAMIBÍU

Þrjú hestar voru sendir af stað til Filippseyja á sunnudag en það eru fyrstu íslensku hestarnir sem fluttir eru þangað. Fyrirtækið Horseexport hefur umsjón með flutningunum. Förrinni er heitið til svínabóndans Chitos Aniban, sem hafði falast eftir því að kaupa íslenska hesta eftir að hafa séð af þeim myndir á vefsíðunni www.hestafréttir.is fyrir á þessu ári. Um er að ræða stóðhest, hryssu og veturgamalt tryppi. „Aðdragandinn hefur verið langur, enda að ýmsu að hyggja við svona flutninga,“ segir Gunnar Arnarsson hjá Horseexport. „Aðalundirbúningurinn felst í því að fá öll tilskilin leyfi og að hafa alla pappíra til reiðu. Þá þarf að stilla saman ferðaáætlun og flug og þarf hún að standast allar dýraverndunarreglur.“

Gunnar segist fá margar skemmtilegar fyrirspurnir en hann hefur meðal annars flutt hesta til Grænlands og Rússlands. „Ég hef meira að segja fengið fyrirspurn um að flytja hesta til Namibíu og er það í vinnslu.“



SPENNAN MAGNAST Í PEPSI-DEILDinni

HART TEKIST Á Í SUMAR

Pepsi-deildin hefur farið frábæra af stað. Sum lið hafa farið betur af stað en önnur, eins og gengur og gerist, en það er nóg eftir af mótinu og fjöldi spennandi leikja framundan. Snilldartaftar, óvænt úrslit og dramatik – í leiftrandi háskerpu.



FÁÐU MEIRA ÚT ÚR SJÓNVARPINU

Ert þú með HD sjónvarp? Tryggðu þér aðgang að frábærri dagskrá í bestu mögulegu myndgæðum.

Í OPINNI DAGSKRÁ NÓG AÐ GERAST Í FORMÚLU 1

Það verður allt á fleygiferð í Formúlunni í sumar þar sem hinir bestu í heimi takast á. Frábært sumar fyrir áhugafólk þessarar stórkostlegu akstursíþróttar.



BORGUNARBIKARINN

Það verða bikarleikir af bestu gerð í Borgunar-bikarnum í sumar. Hverjir koma á óvart? Hvaða lið fara alla leið? Fylgstu með í allt sumar.

SUMAR-MÓTIN

Flottir krakkar sýna snilldartilþrif í stórskemmtilegum þáttum um fótballtaðkun æskunnar.



PEPSI-MÖRKIN

Í Pepsi-mörkunum er farið yfir helstu atriði leikja með þjálfurum og leikmönnum, sérfræðingarnir rýna í tölfræði og skoða vafaatriðin frá öllum sjónarhornum.



NBA

Línur eru farnar að skýrast í NBA og aðeins fjögur lið eftir. Þegar úrslit ráðast í Austur- og Vesturdeildinni er svo komið að ögurstundu, úrslitunum sjálfum.

